

ՀՀ էներգետիկայի հանձնաժողովի
«08» հունվարի 2001թվականի N 2 որոշման

« _____ »
(բաշխիչ էլեկտրացանց)

**բաժնետիրական ընկերության կողմից էլեկտրական
էներգիայի (հզորության) բաշխման լիցենզավորված
գործունեություն իրականացնելու**

Պայմանները

**(Լիցենզիա No. _____, տրված Հայաստանի Հանրապետության
էներգետիկայի հանձնաժողովի 200_թ. _____ «___» No. ____ որոշմամբ)**

1. Լիցենզիայում օգտագործված հիմնական հասկացությունները

Սույն լիցենզիայի իմաստով՝

Արտադրող՝ էլեկտրական էներգիայի (հզորության) արտադրության
գործունեության լիցենզիա ունեցող իրավաբանական անձ:

Արտահանող՝ Հայաստանի Հանրապետությունից էլեկտրական էներգիայի
(հզորության) արտահանման գործունեության լիցենզիա ունեցող իրավաբանական
անձ:

Բաժնետոմսերի առուվաճառքի պայմանագիր և Բաժնետոմսերի ուղղակի վաճառքի
պայմանագիր՝ այնպես, ինչպես սահմանված է «Հայաստանի Հանրապետության
պետական գույքի մասնավորեցման 1998-2000 թվականների ծրագրի մասին»
Հայաստանի Հանրապետության օրենքում լրացում կատարելու և «Երևանի
էլեկտրացանց» «Հյուսիսային էլեկտրացանց», «Հարավային էլեկտրացանց» և
«Կենտրոնական էլեկտրացանց» փակ բաժնետիրական ընկերությունների
մասնավորեցման մասին» Հայաստանի Հանրապետության օրենքի 1-ին հոդվածում:

Էլեկտրաէներգիայի (հզորության) բաշխման ցանց կամ Բաշխման ցանց՝
էլեկտրական էներգիայի բաշխման գծերի, ենթակայանների և այլ սարքավորումների
միասնական համակարգ, որի միջոցով էլեկտրական էներգիան Հաղորդողից և (կամ)

Արտադրողից հասցվում է Սպառողներին (Բաժանորդներին) և որի կառավարումն իրականացնում է Լիցենզավորված անձը (Բաշխողը):

Էլեկտրական էներգիայի հաղորդման ցանց կամ Հաղորդման ցանց՝ էլեկտրական էներգիայի հաղորդման գծերի, ենթակայանների և այլ սարքավորումների միասնական համակարգ, որի միջոցով էլեկտրական էներգիան (հզորությունը) Արտադրողից կամ Ներկրողից հասցվում է Բաշխողին և (կամ) Սպառողին (Բաժանորդին) և (կամ) տարանցվում երրորդ երկիր և որի կառավարումն իրականացնում է Հաղորդողը:

Էլեկտրական էներգիայի (հզորության) առուվաճառքի իրավունք ունեցող իրավաբանական անձ՝ իրավաբանական անձ, որին գործունեության լիցենզիայով տրված է էլեկտրական էներգիայի (հզորության) մեծածախ գնման և էներգետիկայի բնագավառում գործունեության լիցենզիա ունեցող այլ անձանց և (կամ) Սպառողներին (Բաժանորդներին) էլեկտրական էներգիայի (հզորության) վաճառքի իրավունք:

Էլեկտրական էներգիայի (հզորության) մատակարարման երկկողմ պայմանագիր կամ Երկկողմ պայմանագիր՝ էլեկտրական էներգիայի (հզորության) պահանջարկ ունեցող Սպառողի (Բաժանորդի) և Լիցենզավորված անձի միջև կնքված պայմանագիր, որով սահմանվում են էլեկտրական էներգիայի առաքման և վաճառքի պայմանները:

Էլեկտրական էներգիայի (հզորության) մատակարարման եռակողմ պայմանագիր կամ Եռակողմ պայմանագիր՝ էլեկտրական էներգիայի (հզորության) պահանջարկ ունեցող Սպառողի (Բաժանորդի), Ենթասպառողի (Ենթաբաժանորդի) էլեկտրական էներգիայի (հզորության) առաքման համար օգտագործվող, Լիցենզավորված անձին չպատկանող էլեկտրական ցանցի տնօրինողի և Լիցենզավորված անձի միջև կնքված պայմանագիր, որով սահմանվում են էլեկտրական էներգիայի (հզորության) առաքման և վաճառքի, ինչպես նաև առաքման համար օգտագործվող էլեկտրական ցանցի շահագործման և պահպանման, այդ ցանցը տնօրինողի ծախսերի հատուցման պայմանները:

Լիցենզավորված անձ կամ Բաշխող՝ _____

ընկերության անվանումը

Լիցենզիա՝ Հանձնաժողովի կողմից _____

ընկերության անվանումը

տրված փաստաթուղթ, որը հավաստում է վերջինիս իրավունքը և պարտականությունը՝ սահմանված Սպասարկման տարաձքում իրականացնելու էլեկտրական էներգիայի (հզորության) բաշխման գործունեություն:

Կենտրոնական կարգավարական ծառայություն կամ ԿԿԾ՝ Հայաստանի Հանրապետության էլեկտրաէներգետիկական համակարգի կենտրոնական կարգավարական ծառայություն իրականացնելու գործունեության լիցենզիա ունեցող իրավաբանական անձ:

Հաղորդող՝ էլեկտրական էներգիայի Հաղորդման ցանցով էլեկտրական էներգիայի (հզորության) հաղորդման գործունեության լիցենզիա ունեցող իրավաբանական անձ:

Հանձնաժողով՝ Հայաստանի Հանրապետության էներգետիկայի հանձնաժողով՝ էներգետիկայի բնագավառում կարգավորող մարմին, որը գործում է «էներգետիկայի մասին» Հայաստանի Հանրապետության օրենքով իրեն վերապահված լիազորությունների հիման վրա:

Ներկրող՝ Հայաստանի Հանրապետություն էլեկտրական էներգիայի (հզորության) ներկրման գործունեության լիցենզիա ունեցող իրավաբանական անձ:

Սակագնային մարժայի համաձայնագիր՝ «Հայաստանի Հանրապետության պետական գույքի մասնավորեցման 1998-2000 թվականների ծրագրի մասին» Հայաստանի Հանրապետության օրենքում լրացում կատարելու և «Երևանի էլեկտրացանց» «Հյուսիսային էլեկտրացանց», «Հարավային էլեկտրացանց» և «Կենտրոնական էլեկտրացանց» փակ բաժնետիրական ընկերությունների մասնավորեցման մասին» Հայաստանի Հանրապետության օրենքի 9-րդ հոդվածին համապատասխան կնքված փաստաթուղթ:

Սակագնային մարժա կամ Բաշխման ծառայության սակագին՝ այնպես, ինչպես սահմանված է «Հայաստանի Հանրապետության պետական գույքի մասնավորեցման 1998-2000 թվականների ծրագրի մասին» Հայաստանի Հանրապետության օրենքում լրացում կատարելու և «Երևանի էլեկտրացանց» «Հյուսիսային էլեկտրացանց», «Հարավային էլեկտրացանց» և «Կենտրոնական էլեկտրացանց» փակ բաժնետիրական ընկերությունների մասնավորեցման մասին» Հայաստանի Հանրապետության օրենքի 1-ին հոդվածում:

Սպառող (Բաժանորդ)՝ էլեկտրական էներգիայի (հզորության) սպառման պահանջարկ ունեցող իրավաբանական կամ ֆիզիկական անձ, կամ իրավաբանական անձի կարգավիճակ չունեցող կազմակերպություն, որն էլեկտրական էներգիայի (հզորության) մատակարարման երկկողմ կամ եռակողմ պայմանագիր է կնքել Լիցենզավորված անձի հետ:

Ենթասպառող (Ենթաբաժանորդ)՝ էլեկտրական էներգիայի (հզորության) սպառման պահանջարկ ունեցող իրավաբանական կամ ֆիզիկական անձ, կամ իրավաբանական անձի կարգավիճակ չունեցող կազմակերպություն, որն էլեկտրական էներգիայի (հզորության) մատակարարման երկկողմ կամ եռակողմ

պայմանագիր է կնքել Լիցենզավորված անձի հետ և որի էլեկտրական էներգիայի (հզորության) մատակարարումն իրականացվում է Սպառողի (Բաժանորդի) էլեկտրական ցանցից:

Սպասարկման տարածք՝ Հայաստանի Հանրապետության աշխարհագրական որոշակի տարածք (հավելված), որտեղ Լիցենզավորված անձին Լիցենզիայով տրվում է էլեկտրական էներգիայի (հզորության) Բաշխման գործունեություն իրականացնելու բացառիկ իրավունք:

Լիցենզավորված անձին վերաբերող գաղտնի տեղեկատվություն՝ նախատեսվող կորպորատիվ փոփոխությունների (օրինակ, միաձուլում, գնում և այլն) վերաբերյալ տեղեկատվություն, որի հրապարակումը կարող է ազդել Լիցենզավորված անձի ֆինանսական վիճակի վրա, առևտրային գաղտնիքներ կամ այլ տեղեկություններ, որոնց բացահայտումը կարող է վնաս հասցնել Լիցենզավորված անձին կամ նրա բաժնետերերին, ինչպես նաև Լիցենզավորված անձի Բաժանորդների մասին մասնավոր տեղեկատվություն: Հանձնաժողովին փաստաթղթեր ներկայացնելիս Լիցենզավորված անձը կարող է նշել այն բաժինները, որոնք պարունակում են գաղտնի տեղեկատվություն և խնդրել Հանձնաժողովին դրանց վերաբերվելու որպես գաղտնի տեղեկատվության: Հանձնաժողովն իրավասու է մերժել նման տեղեկատվության չհրապարակման վերաբերյալ Լիցենզավորված անձի խնդրանքը:

Ֆորս մաժոր՝ արտակարգ և անկանխելի դեպքեր և հանգամանքներ, որոնք ստեղծվել են Լիցենզավորված անձի կամքից անկախ, ներառյալ (սակայն չսահմանափակվելով դրանցով) բնական աղետները, բնության ուժերի արտասովոր ուժեղ դրսևորումները, ինչպես, օրինակ, ջրհեղեղները, երկրաշարժերը, փոթորիկները, պտտահողմերը, նաև սաբոտաժային գործողություններ, ահաբեկչություններ, պատերազմներ, ապստամբություններ, հասարակական անկարգություններ, գործադուլներ, ինչպես նաև ՀՀ կառավարության գործողությունները կամ անգործությունը (ներառյալ գույքի բռնագրավումը), որոնք խոչընդոտում են Լիցենզավորված անձի գործունեությանը կամ հանգեցնում նրա ստանձնած ցանկացած պարտավորության կատարման ձգձգման կամ դադարեցման՝ հակառակ նրա կողմից գործադրված ջանքերի՝ խուսափելու, թուլացնելու կամ վերացնելու այդ ուժերի ազդեցությունը:

2. Լիցենզիայի գործողության ժամկետը

2.1. Լիցենզիան ուժի մեջ է մտնում Հանձնաժողովում գրանցելու պահից:

2.2. Լիցենզիան տրվում է անժամկետ:

3. Լիցենզավորված գործունեության էությունը կազմող գործառույթները

3.1. Սպասարկման տարածքում Լիցենզիան ուժի մեջ մտնելու պահից Լիցենզավորված անձին իրավունք է տրվում և պարտավորեցվում է իրականացնել էլեկտրական էներգիայի (հզորության) բաշխման գործունեության էությունը կազմող հետևյալ գործառույթները.

ա) Բաշխման ցանցի սպասարկում, շահագործում և բարելավում

բ) Բաշխման ցանցով էլեկտրական էներգիայի (հզորության) մատակարարում Սպառողներին (Բաժանորդներին).

գ) Սպասարկման տարածքում էլեկտրական էներգիայի (հզորության) պահանջարկը բավարարելու նպատակով Բաշխման ցանցի ընդլայնում, նոր սպառողների սպասարկում.

դ) Հայաստանի Հանրապետության Սպառողներին (Բաժանորդներին) էլեկտրական էներգիայի (հզորության) մատակարարման նպատակով էլեկտրական էներգիայի (հզորության) առուվաճառքի իրավունք ունեցող Լիցենզավորված անձանցից էլեկտրական էներգիայի (հզորության) մեծածախ գնում.

ե) իր սեփականությունը հանդիսացող էլեկտրական էներգիայի (հզորության) վաճառք Սպառողներին (Բաժանորդներին).

զ) էլեկտրական էներգիան հաշվառող առևտրային հաշվիչների տեղադրում և սպասարկում, այդ թվում՝ Սպառողների (Բաժանորդների) տարածքում.

է) Բաշխման ցանցի օպերատիվ կառավարում և կարգավարում.

ը) էլեկտրական էներգիայի մատակարարման Երկկողմ կամ Եռակողմ պայմանագրերի կնքում, մատակարարված (վաճառված) էլեկտրական էներգիայի (հզորության) դիմաց գումարների գանձում.

3.2. Սպասարկման տարածքում Լիցենզավորված անձին տրվում է 3.1 կետի ա), բ), գ), զ), է) ենթակետերով ամրագրված գործառույթներն իրականացնելու բացառիկ իրավունք՝ սույն լիցենզիայի գործողության ժամանակահատվածում:

3.3. Լիցենզավորված անձին 5 տարի ժամկետով տրվում է Լիցենզիայի 3.1 կետի դ), ե), ը) ենթակետերով ամրագրված գործառույթներն իրականացնելու բացառիկ իրավունք: Հետագա տարիներին նշված գործառույթների իրականացման խնդիրները կկարգավորվեն Հանձնաժողովի կողմից հաստատվող էլեկտրաէներգետիկական շուկայի կանոնների համաձայն:

3.4 Լիցենզավորված անձն իրավունք ունի իրականացնել տեխնիկական միջոցառումներ՝ ապահովելու Սպառողների (Բաժնետոմսերի) անմիջական միացումն իր սեփականությունը հանդիսացող Բաշխման ցանցին: Նման միջոցառումների նպատակահարմարությունը և տնտեսական արդյունավետությունը գնահատվում է Հանձնաժողովի կողմից և դրական որոշման դեպքում այդ միջոցառումներն իրականացվում են Հանձնաժողովի հետ համաձայնեցված կարգով, իսկ հիմնավորված և անհրաժեշտ ծախսերը հաշվի են առնվում Սակագնային մարժայում:

3.5. Լիցենզավորված անձն իրավունք չունի Լիցենզիայով սահմանված որևէ իրավունք կամ պարտականություն պայմանագրային կամ այլ հիմունքներով ամբողջովին կամ մասնակի օտարել, զիջել, գրավ դնել կամ փոխանցել մեկ այլ անձի՝ առանց Հանձնաժողովի հետ համաձայնեցնելու և Լիցենզիայում համապատասխան փոփոխություններ և (կամ) լրացումներ կատարելու:

4. Լիցենզավորված գործունեության պայմանները

4.1. Լիցենզավորված անձի գործունեությունը պետք է համապատասխանի Հայաստանի Հանրապետության օրենսդրության, Լիցենզիայի, Բաժնետոմսերի առուվաճառքի և Բաժնետոմսերի ուղղակի վաճառքի պայմանագրերի, Հանձնաժողովի կողմից սահմանված իրավական ակտերի, ՀՀ օրենքների և այլ իրավական ակտերի պահանջներին:

4.2 Լիցենզավորված անձը Հանձնաժողովի հետ համաձայնեցված կարգով պարտավոր է հայտատուներին տրամադրել Բաշխման ցանցին միանալու տեխնիկական պայմաններ և սահմանված կարգով ու պայմանագրին համապատասխան հետագայում ապահովել նրանց էլեկտրամատակարարումը:

4.3 Լիցենզավորված անձը տեխնիկական հնարավորությունների առկայության դեպքում պարտավոր է Հանձնաժողովի կողմից սահմանված Բաշխման գործունեության սակագնով (սակագներով) ապահովել էլեկտրական էներգիայի (իզոթության) առուվաճառքի իրավունք ունեցող այլ անձանց մուտքը Բաշխման ցանց:

4.4 Լիցենզավորված անձն իր գործունեությունն իրականացնելիս, Հայաստանի Հանրապետության օրենսդրությանը համապատասխան, պարտավոր է ապահովել կյանքի և գույքի անվտանգությունը:

4.5 Լիցենզավորված անձն առանց Հանձնաժողովի թույլտվության չի կարող դառնալ էներգետիկայի բնագավառի գործունեության լիցենզիա ունեցող մեկ այլ անձի բաժնետեր, փայտեր կամ միաձուլվել, կամ միացվել գործունեության լիցենզիա ունեցող մեկ այլ անձի հետ, կամ որևէ այլ կերպ վերակազմավորվել:

4.6 Լիցենզավորված անձի կանոնադրական կապիտալում 35 տոկոսից ավելի մասնակցություն ունեցող բաժնետերեր կամ փայտերը իրավունք չունի առանց Հանձնաժողովի թույլտվության ձեռք բերել ՀՀ էներգետիկայի բնագավառի գործունեության լիցենզիա ունեցող մեկ այլ անձի բաժնետոմս, բաժնեմաս կամ ունենալ փայամասնակցություն:

4.7 Լիցենզավորված անձը պարտավոր է ապահովել Սպասարկման տարածքում գտնվող Սպառողներին (Բաժանորդներին) մատակարարվող էլեկտրական էներգիայի (հզորության) առևտրային հաշվառքի սարքերի սպասարկումը և շահագործումը՝ ներառյալ ստուգաչափումը:

4.8 Լիցենզավորված անձի և էլեկտրական էներգիայի բնագավառում գործունեության լիցենզիա ստացած այլ անձանց միջև կնքվող էլեկտրական էներգիայի (հզորության) մատակարարման, այդ թվում նաև էլեկտրական էներգիայի (հզորության) վաճառքի պայմանագրերը, ինչպես նաև էլեկտրաէներգետիկայի ոլորտում գործունեության լիցենզիա ունեցող անձանց բաշխման ծառայություն մատուցելու կամ այդ անձանց կողմից Լիցենզավորված անձին ծառայություններ մատուցելու պայմանագրերը, այդ թվում երկկողմ կամ բազմակողմ, պետք է համապատասխանեն Հանձնաժողովի կողմից սահմանված պայմանագրերի օրինակելի ձևերին:

4.9 Լիցենզավորված անձի և էլեկտրաէներգետիկայի ոլորտում գործունեության լիցենզիա ունեցող այլ անձանց միջև կնքվող մատակարարման, ինչպես նաև ծառայությունների մատուցման երկկողմ կամ բազմակողմ պայմանագրերը ենթակա են գրանցման Հանձնաժողովում:

4.10 Լիցենզավորված անձը պարտավոր է կատարել Կենտրոնական կարգավարական ծառայության օպերատիվ հրահանգներն ու կարգադրությունները՝ ըստ գործող կարգի և նրա հետ կնքված պայմանագրի դրույթների:

4.11 Լիցենզավորված անձը պարտավոր է աջակցել Կենտրոնական կարգավարական ծառայության կողմից իրականացվող էլեկտրաէներգետիկական համակարգի հուսալիությունն ու անվտանգությունն ապահովող՝ Լիցենզավորված անձի սեփականությունը հանդիսացող պաշտպանիչ սարքերի, կարգավորիչների զննումներին, օրենսդրությամբ և այլ իրավական ակտերով ու պայմանագրերով սահմանված կարգով ապահովել այդ սարքերի շահագործումը, կատարել դրանց նորոգման, փոխարինման և այլ անհրաժեշտ աշխատանքներ, ինչպես նաև աջակցել իր տնօրինության տակ գտնվող այլ անձանց սեփականությունը հանդիսացող պաշտպանիչ սարքերի, կարգավորիչների զննման իրականացմանը:

4.12 Սույն Լիցենզիայի գործողության ընթացքում, համաձայնեցնելով Հանձնաժողովի հետ, Լիցենզավորված անձը պետք է կատարի ներդրումներ, որոնք

անհրաժեշտ են Սպառողներին (Բաժանորդներին) մատուցվող ծառայությունների որակը պահպանելու և բարելավելու համար, այնքանով, որքանով Հանձնաժողովը հաստատում է խելամիտ ծախսերը ծածկող և անհրաժեշտ ներդրումների վերադարձն ապահովող սակագներ: Մասնավորապես, Լիցենզավորված անձը, Հանձնաժողովի կողմից սահմանված կարգին և ժամանակացույցին համապատասխան, Հանձնաժողովի քննարկմանն ու համաձայնեցմանն է ներկայացնում Բաշխման ցանցի վերականգնման, վերակառուցման, արդիականացման և ընդլայնման կարճաժամկետ (տարեկան) և երկարաժամկետ ներդրումային ծրագրերը՝ համապատասխան հիմնավորումներով: Կողմերից յուրաքանչյուրը կարող է առաջարկել փոփոխել «Բաժնետոմսերի առուվաճառքի պայմանագրով» սահմանված գումարներն ու ժամկետները:

4.13 Լիցենզավորված անձը՝ Հանձնաժողովի կողմից սահմանված կարգի և ժամանակացույցի համաձայն, Հանձնաժողով է ներկայացնում հաջորդ տարվա էլեկտրական էներգիայի բեռի գրաֆիկի, սպառման ծավալների և տեխնոլոգիական կորուստների կանխատեսումները:

4.14 Լիցենզավորված անձը՝ Հանձնաժողովի կողմից սահմանված կարգին և ձևերին համապատասխան, Հանձնաժողով է ներկայացնում ճշգրիտ տեղեկատվություն և հաշվետվություններ լիցենզավորված գործունեության մասին:

4.15 Լիցենզավորված գործունեության հաշվապահական հաշվառումը և հաշվետվությունը պետք է համապատասխանեն Հայաստանի Հանրապետության օրենսդրությամբ սահմանված հաշվապահական հաշվառման պահանջներին:

4.16 Լիցենզավորված անձը պարտավոր է վարել լիցենզավորված գործունեության առանձացված հաշվապահական հաշվառում:

4.17 Յուրաքանչյուր տարի՝ մինչև ապրիլի 30-ը, Լիցենզավորված անձը պարտավոր է հանրապետական մամուլում հրապարակել նախորդ տարվա իր ֆինանսատնտեսական գործունեության հաշվետվությունը՝ համաձայն Հանձնաժողովի կողմից սահմանված ձևերի: Հրապարակված հաշվետվությունները չպետք է պարունակեն պետական և ծառայողական գաղտնիքներ, ինչպես նաև Լիցենզավորված անձին վերաբերող որևէ գաղտնի տեղեկատվություն, որի գաղտնիությունը հաստատվել է Հանձնաժողովի կողմից:

4.18 Լիցենզավորված անձի կողմից սարքերի, սարքավորումների, ապրանքների ձեռքբերման, նրան ծառայությունների մատուցման գործարքները պետք է իրականացվեն՝ հաշվի առնելով «Հայաստանի Հանրապետության պետական գույքի մասնավորեցման 1998-2000 թվականների ծրագրի մասին» Հայաստանի Հանրապետության օրենքում լրացում կատարելու և «Երևանի էլեկտրացանց» «Հյուսիսային էլեկտրացանց», «Հարավային էլեկտրացանց» և «Կենտրոնական էլեկտրացանց» փակ բաժնետիրական ընկերությունների մասնավորեցման մասին» Հայաստանի Հանրապետության օրենքի 12-րդ հոդվածի պահանջները՝ տեղական

(Հայաստանի Հանրապետությունում գործող) կազմակերպություններին առաջնահերթության իրավունք տալու մասին, պայմանով, որ նրանց կողմից վաճառվող սարքերը, սարքավորումները, ապրանքները և մատուցվող ծառայությունները ունեն մրցակցային որակ և մրցակցային գներ:

4.19 Մրցութային կարգով գնումներ կատարելիս և (կամ) ծառայություններ մատուցող սուբյեկտների ընտրություն իրականացնելիս Լիցենզավորված անձը մրցույթի պայմանները նախապես համաձայնեցնում է Հանձնաժողովի հետ, եթե գնման կամ ծառայության մատուցման արժեքը գերազանցում է _____ԱՄՆ դոլարին համարժեք դրամը:

4.20 Լիցենզավորված անձը՝ Հայաստանի Հանրապետության օրենսդրությամբ սահմանված կարգով, պատասխանատվություն է կրում Հանձնաժողով ներկայացրած լիցենզավորված գործունեության մասին հաշվետվությունների և այլ տեղեկատվության հավաստիության համար:

4.21 Լիցենզավորված անձի գնած և վաճառած էլեկտրական էներգիայի (հզորության) սակագները, ինչպես նաև Լիցենզավորված անձի կողմից իրականացվող էլեկտրաէներգիայի բաշխման սակագինը սահմանում է Հանձնաժողովը՝ օրենքով և այլ իրավական ակտերով սահմանված կարգով:

4.22 Լիցենզավորված անձի Սակագնային մարժան կամ Բաշխման ծառայության սակագինը սահմանվում է համաձայն Լիցենզիայի անբաժանելի մաս կազմող Սակագնային համաձայնագրի պահանջների:

4.23 Լիցենզավորված անձը պարտավոր է էլեկտրական էներգիայի (հզորության) առուվաճառքի պայմանագրերում ամրագրված ժամկետներում ապահովել իր կողմից գնված էլեկտրական էներգիայի (հզորության), իրեն մատուցած ծառայությունների և կատարած աշխատանքների դիմաց 100 տոկոս վճարումները:

4.24 Լիցենզավորված անձը պարտավոր է Սակագնային մարժայով նախատեսված ամորտիզացիոն մասհանումների գումարը ամբողջությամբ ներդնել Բաշխման ցանցի վերականգման և վերակառուցման համար:

4.25 Լիցենզավորված անձի կողմից Լիցենզիայի կամ Բաժնետոմսերի առուվաճառքի պայմանագրի պայմանների խախտման դեպքում Հանձնաժողովը կարող է վերանայել Սակագնային համաձայնագրում ամրագրված նրա ակտիվների նկատմամբ շահութաբերության մեծությունը:

4.26 Լիցենզավորված անձը պարտավոր է Հանձնաժողովին անմիջապես հայտնել այն հանգամանքների մասին, որոնք հանգեցրել են կամ կարող են հանգեցնել սույն Լիցենզիայի կամ «Բաժնետոմսերի առուվաճառքի պայմանագրի» պայմանների խախտումների:

4.27 Լիցենզավորված անձը պարտավոր է ապահովել Սպառողների (Բաժանորդների) անընդհատ և հուսալի էլեկտրամատակարարումը՝ համաձայն Լիցենզիայի 4.30 և 4.32 կետերի պահանջների, բացառությամբ այն դեպքերի, երբ էլեկտրամատակարարման սահմանափակումները անխուսափելի են, այնպես, ինչպես դա ձևակերպված է Լիցենզիայի 4.36 կետում:

4.28 Պլանային, արտապլանային նորոգումներով և չվճարումներով պայմանավորված Սպառողի (Բաժանորդի) հոսանքազրկումները, ինչպես նաև ցանկացած հոսանքազրկումից հետո էլեկտրական էներգիայի մատակարարման վերականգնումը Լիցենզավորված անձը իրականացնում է Հանձնաժողովի կողմից հաստատված կարգի համաձայն:

4.29 Լիցենզավորված անձի և Սպառողների (Բաժանորդների) փոխհարաբերությունները կարգավորվում են «Էլեկտրական էներգիայից օգտվելու կանոններով» և մատակարարման պայմանագրերով, որոնց օրինակելի ձևերը սահմանում է Հանձնաժողովը:

4.30 Հանձնաժողովը Լիցենզավորված անձի կողմից Սպառողների (Բաժանորդների) սպասարկման որակը գնահատում է մեկ տարվա կտրվածքով՝ նրա և զարգացած երկրներում էլեկտրական էներգիայի բաշխման գործունեություն իրականացնող ընկերությունների՝ ստորև նշված ցուցանիշների վերլուծության և համեմատության հիման վրա.

ա) մեկ Սպառողի (Բաժանորդի) հոսանքազրկումների քանակը և տևողությունը՝ ըստ ստորև բերված պատճառների*.

- պլանային անջատումներ՝ պլանային վերանորոգման, բարելավման կամ սարքավորումների փոխարինման պատճառով.

- արտապլանային անջատումներ՝ կապված վթարների հետևանքների վերացման նպատակով կատարված նորոգումների կամ սարքավորումների փոխարինման հետ, որ դասակարգված են ըստ պատճառների (սարքավորումների խափանումներ, բնական պատճառներ, բարբարոսական

* 4.30 П»ПЗ ЗЩілпбН СбліЭщі×сПбхЩ і СіЩісНбхЩ іЙ»ПпсіPiЭ іЭ»с•ЗіЫЗ ЩіpiPiсiсЩіЭ 1 сбе»Зу іН»ЙЗ пЕбХбхГЫіЩµ NiNіc»yбхЩб:

գործողություններ կամ այլ մարդկային գործոնի ազդեցություն, աշխատողների սխալներ)։

- անջատումներ՝ վճարումները չկատարելու պատճառով։

բ) հոսանքազրկված Սպառողների (Բաժանորդների) քանակը՝ Սպառողների և Բաժանորդների ընդհանուր քանակի նկատմամբ (արտահայտված տոկոսով)։

գ) Սպառողների (Բաժանորդների) դիմում-բողոքների և հարցադրումների ընդհանուր քանակը՝ ըստ դրանք հարուցող պատճառների և Սպառողների (Բաժանորդների) խմբերի։

դ) մեկ Սպառողի (Բաժանորդի) հարցադրմանը և դիմում-բողոքին արձագանքելու միջին տևողությունը՝ ըստ Սպառողների խմբերի։

ե) թույլատրելի սահմաններից էլեկտրական էներգիայի լարման և հաճախականության շեղման դեպքերի ընդհանուր քանակը և տևողությունը։

զ) Բաշխման ցանցում անխուսափելի տեխնոլոգիական կորուստների մեծությունը։

է) Բաշխման ցանցում առևտրային կորուստների մեծությունը։

ը) Հաշվառքի սարքերի ճշտության թույլատրելի դասից դուրս ցուցմունքների գրանցման դեպքերի թիվը՝ դասակարգված ըստ հաշվիչների խափանումների և հաշվիչների կեղծման կասկածելի դեպքերի։

Վերը նշված ցուցանիշների մեծությունները հաշվարկելիս հաշվի չեն առնվում ֆորս-մաժորով պայմանավորված Սպառողների (Բաժանորդների) հոսանքազրկման և սպասարկման որակի անկման դեպքերը։ Նման դեպքերի մասին Լիցենզավորված անձը հատուկ հաշվետվություն է ներկայացնում Հանձնաժողով։

4.31 4.30 կետում նշված ցուցանիշների վերաբերյալ տեղեկատվություն հավաքելու և դասակարգելու նպատակով, Լիցենզավորված անձը, Լիցենզիան ուժի մեջ մտնելուց հետո _____ ամսվա ընթացքում պետք է իրականացնի կազմակերպական և տեխնիկական բնույթի միջոցառումներ՝ ներդնելով նաև գրանցող (հիշող) սարքերի համակարգ։

4.32 Լիցենզիան ուժի մեջ մտնելուց առավելագույնը _____ ամիս հետո Լիցենզավորված անձը Հանձնաժողով պետք է ներկայացնի Լիցենզիայի 4.30 կետում նշված ցուցանիշների փաստացի մեծությունների մասին հաշվետվություն՝ նախորդ 12 ամիսների կտրվածքով, ինչպես նաև այդ ցուցանիշների բարելավման և զարգացած երկրների ցուցանիշների մակարդակին հասցնելու համար անհրաժեշտ

միջոցառումների ծրագիրն ու ժամանակացույցը, որոնք Լիցենզավորված անձի մասնակցությամբ քննարկելուց հետո Հանձնաժողովը Լիցենզիայի 4.30 կետում նշված ցուցանիշների կանխատեսվող մեծություններն ըստ տարիների ամրագրում է համապատասխան որոշմամբ:

4.33 Լիցենզավորված անձը պարտավոր է իր տարածքային ստորաբաժանումներում ունենալ շուրջօրյա հեռախոսակապ, որի միջոցով Սպառողները (Բաժանորդները) կարող են նրան տեղեկատվություն հաղորդել, այդ թվում՝ էլեկտրաէներգիայի մատակարարման անսպասելի դադարեցումների (անջատումների), լարման անթույլատրելի շեղումների, սնուցող գծերի և հաշվիչի վնասման կամ վնասման վտանգի և այլնի մասին, հարցադրումներ ուղղել կամ բողոքել, շնորհակալություն հայտնել և այլն, ինչպես նաև Լիցենզավորված անձից տեղեկություններ ստանալ:

4.34 Լիցենզավորված անձը, ըստ Հանձնաժողովի հետ համաձայնեցված ժամանակացույցի, պարտավոր է իր սեփականությունը հանդիսացող առևտրային էլեկտրամեխանիկական հաշվիչները փոխարինել էլեկտրոնային հաշվիչներով:

4.35 Լիցենզավորված անձը տարվա ցուրտ ժամանակաշրջանում (տվյալ տարվա _____ -ից մինչև հաջորդ տարվա _____-ը) չի հոսանքազրկում Բաժանորդին (Սպառողին), եթե վերջինս _____ դրությամբ սպառած էլեկտրաէներգիայի դիմաց պարտքեր չունի, նշված ժամանակաշրջանի յուրաքանչյուր ամիս վճարել է սպառած էլեկտրաէներգիայի արժեքի առնվազն 50%-ը և համաձայնել է Լիցենզավորված անձի հետ կազմել պարտքերի մարման ժամանակացույց:

4.36 Լիցենզավորված անձը պարտավոր է Հանձնաժողովի կողմից սահմանված կարգով նախապատրաստել էլեկտրական էներգիայի (հզորության) մատակարարման անխուսափելի սահմանափակումների և այդ պայմաններում իրականացվող գործողությունների ծրագրեր: Նման սահմանափակումներ պահանջող իրավիճակներում Լիցենզավորված անձը հետևում և ճշգրտորեն կատարում է հաստատված ծրագրերում նշված միջոցառումները՝ բոլոր Սպառողներին (Բաժանորդներին) տեղեկացնելով էլեկտրական էներգիայի մատակարարման սահմանափակումների քանակի և տևողության մասին:

4.37 Լիցենզավորված անձը պարտավոր է անընդհատ և անխափան էլեկտրական էներգիա (հզորություն) մատակարարել առավել կարևոր նշանակություն ունեցող Սպառողներին, որոնց ցանկը մինչև տվյալ տարվա հոկտեմբերի 1-ը սահմանվում է ՀՀ կառավարության կողմից՝ համաձայն «Հայաստանի Հանրապետության պետական գույքի մասնավորեցման 1998-2000 թվականների ծրագրի մասին» Հայաստանի Հանրապետության օրենքում լրացում կատարելու և «Երևանի էլեկտրացանց» «Հյուսիսային էլեկտրացանց», «Հարավային էլեկտրացանց» և «Կենտրոնական էլեկտրացանց» փակ բաժնետիրական ընկերությունների մասնավորեցման մասին» Հայաստանի Հանրապետության օրենքի 15-րդ հոդվածի 2-րդ կետի պահանջի:

5. Լիցենզավորված գործունեության վերահսկում

5.1 Լիցենզիայի պայմանների պահպանման վերահսկումն իրականացնում է Հանձնաժողովը՝ իր կողմից սահմանված կարգով:

5.2 Լիցենզիայի պայմանների պահպանման վերահսկումն ապահովելու նպատակով Հանձնաժողովը և նրա կողմից լիազորված ներկայացուցիչներն իրավունք ունեն ազատ մուտք գործել Լիցենզավորված անձի տարածք: Վերահսկումն իրականացնելու ընթացքում Լիցենզավորված անձը պետք է լիովին համագործակցի և աջակցի Հանձնաժողովին կամ նրա կողմից լիազորված ներկայացուցչին:

5.3 Հանձնաժողովի կողմից լիազորված ներկայացուցիչները Լիցենզավորված անձի տարածքում պահպանում են ընկերության ներքին կանոնակարգը, անվտանգության և հակահրդեհային կանոնները, ինչպես նաև ՀՀ օրենսդրությամբ սահմանված նորմերը:

5.4 Յուրաքանչյուր տարին մեկ անգամ Հանձնաժողովը, տեղյակ պահելով Լիցենզավորված անձին, իր կողմից սահմանված կարգով և ժամկետներում, իր կողմից ընտրված անկախ փորձագիտական ընկերության կամ անկախ փորձագետների միջոցով կարող է իրականացնել Լիցենզավորված անձի կողմից Լիցենզիայի և Բաժնետոմսերի առուվաճառքի պայմանագրի պայմանների կատարման ուսումնասիրություն և Հանձնաժողով ներկայացված հաշվետվությունների հավաստիության ստուգում: Նշված ուսումնասիրության և ստուգման ծախսերը ներառվում են Սակագնային մարժայում: Սակագնային մարժայով այդ ծախսերի փոխհատուցումը կարող է լիովին կամ մասնակիորեն չիրականացվել, եթե ուսումնասիրության կամ ստուգման արդյունքում հայտնաբերվել է, որ Լիցենզավորված անձը միտումնավոր կերպով սխալ տվյալներ է ներկայացրել Հանձնաժողով կամ Հանձնաժողովից տվյալներ է թաքցրել:

6.Տուգանքներ, Լիցենզիայի կասեցում և Լիցենզիայից զրկում

6.1. Լիցենզիայի պայմանների պահպանման վերահսկումն իրականացնում է Հանձնաժողովը՝ իր կողմից սահմանված կարգով:

6.2. «Էներգետիկայի մասին» Հայաստանի Հանրապետության օրենքի, Հանձնաժողովի իրավական ակտերի պահանջները և Լիցենզիայի պայմանները չկատարելու, ոչ պատշաճ կատարելու կամ խախտելու դեպքում, ղեկավարվելով

«Էներգետիկայի մասին» Հայաստանի Հանրապետության օրենքի 27-րդ հոդվածով, Հանձնաժողովը իրավասու է կիրառել հետևյալ տույժերը.

- ա) նախազգուշացում և խախտումները վերացնելու հանձնարարականներ
- բ) Լիցենզիայի կասեցում
- գ) Լիցենզիայից զրկում:

Նշված տույժերի կիրառման կարգը սահմանում է Հանձնաժողովը: Հանձնաժողովն օրենսդրությամբ սահմանված կարգով կարող է տուգանել Լիցենզիա ունեցող անձանց:

6.3. Լիցենզավորված անձին Լիցենզիայից զրկելու դեպքում Հանձնաժողովը և Լիցենզավորված անձը ղեկավարվում են «Էներգետիկայի մասին» ՀՀ օրենքի 37-րդ հոդվածով և ՀՀ օրենսդրությամբ:

6.4. Լիցենզիայի գործողությունը կարող է դադարեցվել նաև Լիցենզավորված անձի նախաձեռնությամբ՝ նրա գրավոր դիմումի հիման վրա: Մինչև Լիցենզիայի կասեցման կամ զրկման մասին Հանձնաժողովի կողմից համապատասխան որոշում կայացնելը, Լիցենզավորված անձը պարտավոր է շարունակել գործունեությունը՝ համաձայն Լիցենզիայի պայմանների:

6.5 Լիցենզավորված անձը չի ենթարկվում պատասխանատվության՝ սույն Լիցենզիայի 6.2 կետով սահմանված կարգով, եթե (և այնքանով, որքանով) նրա գործունեության մեջ արձանագրված խախտումները ֆորս մաժորի հետևանք են:

7.Լիցենզիայի դրույթների և պայմանների փոփոխություն

7.1 Լիցենզիայում փոփոխություններ կարող են կատարվել «Էներգետիկայի մասին» ՀՀ օրենքով սահմանված կարգով՝ Լիցենզավորված անձի կամ Հանձնաժողովի նախաձեռնությամբ:

7.2 Լիցենզավորված անձը 5 աշխատանքային օրվա ընթացքում Հանձնաժողովին ծանուցագրով տեղեկացնում է իր գտնվելու վայրի (իրավաբանական հասցեի), հիմնադիր փաստաթղթերի և բանկային հաշվեհամարների կրած փոփոխությունների մասին:

8.Ծանուցում

8.1. Լիցենզիայի վերաբերյալ պաշտոնական բոլոր ծանուցումները, հայտերը, պահանջները կամ այլ տեղեկատվությունները պետք է լինեն գրավոր և ուղարկվեն սուրհանդակի միջոցով կամ պատվիրված նամակով՝ պահանջելով ստացական: Ցանկացած ծանուցում կամ հաղորդագրություն ուժի մեջ է համարվում ստացման պահից, իսկ եթե այն չի ստացվել հասցեատիրոջ մեղքով՝ հասցեատիրոջը հասցնելու փորձի պահից: Հաղորդագրությունը սկզբից ևեթ կարող է ուղարկվել էլեկտրոնային փոստով կամ ֆաքսով և ուժի մեջ է համարվում ստացման օրվանից, եթե ստացվել է մինչև տվյալ աշխատանքային օրվա ավարտը:

Լիցենզավորված անձի փոստային կարգաթիվը _____

Հասցեն _____

Անվանումը

Բանկային հաշվեհամարները

Տնօրենի (նախագահի) անունը, ազգանունը

**Ի վկայություն սույնի, Հայաստանի Հանրապետության էներգետիկայի
հանձնաժողովը սույն Լիցենզիան տրամադրել է**

(ընկերության անվանումը)

(իրավաբանական հասցեն)

Գրանցման ամսաթիվը

_____ **200** թ.

Գրանցման համարը

No. _____

Հանձնաժողովի պատասխանատու անձ _____

**ԼԻՑԵՆԶԱՎՈՐՎՈՂ ԳՈՐԾՈՒՆԵՈՒԹՅԱՆ
ԱՇԽԱՐՀԱԳՐԱԿԱՆ ՏԱՐԱԾՔԸ**

**ԷԼԵԿՏՐԱԿԱՆ ԷՆԵՐԳԻԱՅԻ ԲԱՇԽՄԱՆ ԳՈՐԾՈՒՆԵՈՒԹՅԱՆ
ԱՇԽԱՐՀԱԳՐԱԿԱՆ ՏԱՐԱԾՔԸ**

1. _____ վարչական տարածք